

安雅堂未刻稿

安雅堂未刻稿卷第五

萊陽 宋 琬 玉叔 著

五言絕句

秋夜怨 三首

病與秋相黨百憂日媒藥自非石作人誰能不髮白  
明月入妾牀依依不可遣展轉孤衾中清輝有餘暖  
莫言燭下蟲不及花間鳥與妾共悲秋年年啼不了

新婦怨

妾似初絃月纖纖只半弓未逢三五夕還與缺時同  
自君之出矣

自君之出矣蟬鬢幾會梳思君如晦月星影密難疎

題林良花鳥圖 二首

幽禽弄好音並集叢篁上置向北窗前森然如欲響  
徐黃久不作重披此毫素應傍野人眠寫入郊居賦

題黃子錫麗農山居圖 三首

未造幽人居披圖欲忘倦他日款柴扉預識青山面  
種瓜南陌上足以供秋稅誰裁貨殖書將與蹲鴟類  
平原邈千載招魂在精舍時見石梁游雲車與風馬

和王阮亭壁間四絕句

屢作金山游只道焦山遠華髮始登臨支公應笑晚

空山鶴鷓鳴不見華陽鶴斷碣臥蛟龍驚濤幾時落  
江水淪茗椀不亞錫山泉素薨同老衲高話白雲天  
叢篁迷鳥道登頓賴山樵佛龕聊借宿臥聽五更潮  
秋霞圃雜咏十五首

一線天

步屨清陰下鬚眉染碧雲時聞明月夜翠蓋擁桐君

二香碗

彭澤先生徑孤山處士莊何如霜雪內同作一家香

層層雲

聞道黃山曲黃雲似海流羨君懷袖裡種得滿林北

松風嶺

謾謾鳴寒濤憑高閣吹萬有客抱琴來披襟冷然善

桃花潭

碧水映朱鱗荇藻清如鑑漁父扣舷時猶疑落花片

金粟林

天香何處落碧海挂冰輪若遇維摩詰方知是後身

飲肥亭

瀾茗共山僧疑餐姑射冰笑他雞跖客那解辨淄澠

結廬人境

三徑黃花晚翛然太古風買將絲五色真欲繡陶公

小山陰

翠竹臨寒沼清音勝管絃暮春脩禊事重續永和年

灑雪廊

素壁寫篔簹蕭蕭洗塵慮我非王子猷坐臥不能去

今始亭

碧蘚呼童掃多因好客來求羊二子外車馬且須回

迂石

頗似倪生骨蒼寒絕點埃好將洗桐雨滌濯日千迴

癡石

負牆何傲兀吾欲呼爲丈畢竟此翁癡受之不曾讓

掃花六

欲結一茆亭先生尚烏有階下鶴梳翎拾將花作帚

暢鶴杠

烟水空濛際虹梁似赤城隔林聞鶴唳風送步虛聲

獄中八咏

蘆蓆片

愁心不可卷假寐聊相資莫厭簾條賤猶能出范睢

煤土炕

象簾翡翠牀較此自巖醜蝴蝶與莊生君能分別否

折足櫬

朝暄入牖來炙背還復臥窮鬼去無時延之居上座

砂鍋盆

禹鼎今則亡饕餮斯可鏡再拜老瓦盆吾以汝爲命

黑磁盃

百金買定窑珍重逾連璽此物遂見遺製自有虞氏

土火鑪

孤燈靄幽室老僕垂頭睡自起炙殘壺顛倒著犢鼻

苦井水

病渴限重扇寒漿汲轆轤笑問江南客中冷勝此無

鈴柝聲



乍聽不成眠邇來夢頗熟名根卒未忘還疑在場屋

六言絕句

告齒六言戲用成語 七首

禮樂吾從先進松栢人稱後凋胡爲中道棄予不隨曳  
杖逍遙

舍魚而取熊掌食肉豈須馬肝未見秦庭逐客奈何陶  
令辭官

貧賤人之所惡陳蔡皆不及門莫怨畜我不卒汝於知  
已少恩

古語辱亡齒寒老態捉襟露肘飲食鮮能知味太息微

君之故

出門當復何之少坐吾當語女伏波窮且益堅長孺麾  
之不去

堪歎晨星落落願畱夏屋渠渠縱使同歸于盡猶似我  
生之初

持梁刺肥如夢放飯流歎可嗟老之將至云爾萬鍾於  
我何加

雙陸 五首

犀首方歸函谷唐蒙又出巴丘一局樽前勝負分明六  
國春秋

單騎逃還灞上兩軍對壘鴻溝當局沉吟袖手點籌賴  
有畱侯

秋雨蕭蕭無賴小窗聊破閒愁醉裏策勳第一笑看博  
陸封侯

瘴癘辰征洱海清霜夜渡臨洮借問牧猪奴戲何如汗  
馬功勞

許史豪華安在珠玉綺羅雨散悔不生前縱博一擲輸  
他百萬

放言 六首

封爵年齊鄧禹娶妻顏如麗華俠客生前劇孟門人死

後侯芭

臃腫樗因幸免長喙鴈乃遭烹物理如何齊得野人敢  
問莊生

賈誼上書太息李蔡爲人下中爛羊頭客作尉不龜手  
藥偏封

大千世界浮漚造化小兒遊戲誰教玉女投壺博得天  
公長醉

堪羨信陵公子笑談立卻秦軍坐有佳人醇酒歸來高  
臥夷門

尚憶悲歌燕市誰憐憔悴江濱漫說貧元非病方知老

不如人

七言絕句

哭趙元公孝廉三十首

啼鴉摧傷蕙草叢黃金臺畔起悲風傷心不獨歌蒿里  
況有求凰曲未終

桂籍聯翩謁秩宗衆中一顧便呼儂短檠布被支公室  
霜雪蕭蕭夜半鐘

眞成白璧世無雙俠骨名心未可降無用埋魂向羸博  
憐君歸思滿湘江

蒼天何意妒蛾眉好友奇人生別離獨有靈和前殿柳

風流猶得似當時

悲來真欲碎金徽  
乳燕流鶯上下飛  
憶昨經過讀書處  
殘編滿地走伊威

才名題柱竟何如  
萬里還鄉廣柳車  
天子異時求賦草  
茂陵封禪未成書

驄馬借過賣酒壚  
登樓看劍夜狂呼  
燕臺不乏鳴鑣客  
風格如今尚有無

朔雲苦雨晝淒迷  
聞道衡湘限鼓鼙  
贈客曾吟青玉案  
招魂應唱白銅鞮

公子翩躚致最佳  
清歌常倚玉參差  
尤憐垂柳朱門外

無復驕嘶白鼻騮

修短同歸土一坏如君終是可憐才共知李白詩無敵  
誰信王修命可哀

染翰操瓜果絕倫春蘭秋月擬丰神緱山一去無消息  
况復高堂是逐臣

汝從天際乘黃鶴我向江南哭白雲縱使神仙無限樂  
也應有夢惜離羣

丹旄飛飛向故園西陵峽口入啼猿平生懷抱蕭疎甚  
好築孤墳傍屈原

十載異鄉遭鷓鴣一時同學上鵝鸞菜珠別有君名姓

不向春官榜上看

仙郎忽逐緋衣還  
渺渺丹梯未可攀  
地下脩文休更好  
幾時重得謫人間

躍馬曾馳薊北天  
青絲絡首玉爲鞭  
祇今笙鶴依稀見  
多在燕山易水邊

薊門凝望楚江遙  
有客登臺賦大招  
陸硯江毫今宛在  
匣中零落鳳凰簫

寂寞王家玉樹林  
平生一病是書淫  
不知何物堪君殉  
一葉離騷幾尺琴

獨鶴飛飛繞漢南  
秋風搖落憶江潭  
君才可比長沙傅



賈誼亡時三十三

恨餘試展文通賦愁絕新從季主占方信文章憎命達  
占來名壽幾人兼

極目瀟湘挂素帆老親手爲樹松杉青山他日藏書處  
應有蛟龍護石函

獵獵悲風捲素旂幾人相送出西郊下泉可有良朋否  
長說人間廣絕交

玉勒珠鞍金錯刀少年把臂五陵豪可憐七尺嶙峋骨  
一夜西風化伯勞

嵇生修夜痛如何夢裡逢君帶女蘿沅芷湘蘭看漸遠

魂來能不怯風波

秦川公子滯天涯歎息飄搖未有家見說南方豺虎亂  
不知何處泊孤槎

卿才十倍敢相當曾醉高樓解鷓鴣有夢不離王粲井  
無人更到馬融堂

杯酒論文鷗鷺盟書燈明滅斗初橫向余常灑憂時淚  
知爾前身是賈生

啣嘶鷓鴣雞未忍聽布帆南渡雨冥冥靈均沉後禰衡死  
鷓鴣洲邊草不青

自遇世人常白眼未妨弔客是青蠅愁心一片誰堪語

更欲裁書報秣陵

結客幽燕作壯游  
酒酣起舞把吳鉤  
何年共汝騎鯨去  
夜夜吹簫太白樓

韓氏雙烈詩 四首

百尺寒松拂女蘿  
西風摧折恨如何  
自從環珮歸天上  
應笑人間青塚多

孔雀東飛雛鳳隨  
青陵臺畔草離離  
但令一日慈姑在  
何用雙題幼婦碑

江海南來半陸沉  
寒泉埋骨不埋心  
雲中青鳥依稀見  
風雨如聞漆室吟

鷓鴣血千家宿雨醒秋原蕭瑟野燐青英魂不逐烽烟散  
夜夜雙懸婺女星

送何葵如歸里

二首

雨雪初停江上槎短檠尊酒共思家  
留君祇欲先歸去  
一路鶯聲落柳花

年年作客鴈先還纔說歸期鬢已斑  
落日片帆天際遠  
那能相送鶴兒山

謝雪子上人

嗚爲同官所  
持不見賓客

聞道春風欲杖藜杏花開遍畫橋西  
邇來官舍如僧舍  
不敢逢迎過虎谿

贈張孺舍郡丞

二首

相逢應悔悞儒冠  
雨雪悲歌行路難  
他日扁舟問名姓  
知君家在古長干

曾醉鍾陵酒肆邊  
梅華春雪木蘭船  
雨花臺畔三生路  
與爾同參玉版禪

姬義卿孫啟人獄中小飲

時二子將戍遼

御苑垂楊欲作絲  
新知生別不勝悲  
他年華表歸來後  
應記燕山痛飲時

七夕雨

銀漢朦朧望未開  
雲耕隱隱動殷雷  
荆臺神女遙相睞

攜得巫山暮雨來

夜爲蟲聲所聒口號戲呈凌玉

重垣深鎖夜漫漫人似雞棲夢欲闌無奈啼聲穿四壁  
秋蟲全不畏秋官

初秋卽事

瘦骨秋來強自支愁中喜讀晚唐詩孤燈寂寂階蟲寢  
秋雨秋風總不知

口號成簡岳于天吏部 十首

萬里黃河百尺樓月明猶憶醉蘭州于今共聽淋鈴雨  
何異泉聲咽隴頭

一麾十載遠青霄  
啟事推君玉作標  
相對南冠萬行淚  
那堪風雨更瀟瀟

交情生死古今難  
脫粟何人授一餐  
獨有同官二三子  
窮交不作死交看

青蠅作弔真吾事  
白璧輕投爲爾嗟  
千斛愁懷言不得  
觚稜相望是天涯

雨餘司寇罷傳呼  
策蹇衝泥酒滿壺  
西曹此日成佳話  
誰畫銀鐙訪友圖

隴西才子稱高第  
匣裡朱弦久絕音  
我到三山深下淚  
那能不繫馬融心

君之門人張晉爲丹徒今年少  
有詩名以事見法人多惜之

翩翩書記李生才化鶴秦郵去不回章鉞訟寃難再得  
只今急難有誰哀

蘭州李嘉木出余門下  
嘗爲君記室卒于高郵

星火炎炎迥未消楓林歸去葉將凋青門車馬知多少  
看取慘慘御柳條

偶然長揖謝公卿綿上磽田尚可耕他日裹糧游五岳  
藥鑪丹臼伴君行

纔說離羣淚已潛孤臣何日始生還君恩若下金雞詔  
雙鯉先傳姑射山

贈匡懿侯

四首

山陽思舊淚潸然白晷虬鬚美少年今日逢君秋色裏



西山朝爽落樽前

結客朝過劇孟家  
月明韋曲醉琵琶  
東鄰未識張公子  
但認樓前白鼻騮

北風吹落鴈蕭蕭  
久客臨邛轉寂寥  
驕驕典盡不歸去  
待爾重題駟馬橋

白眼何人問楚囚  
坐來談笑慰窮愁  
幾時貰酒呼蘇小  
同醉查家仙掌樓

憶亡妾

四首

一彈別鶴閉金徽  
江燕思家兩度歸  
為聽西鄰砧杵慣  
朝來猶是問寒衣

會隨畫舫弔真娘一陣西風謝海棠欲葬花鈿無處哭  
落花殘夢繞錢塘

香魂住泊給孤園寒食無人薦白蘩揚子濤聲家萬里  
櫻桃花落又黃昏

曉窗猶記畫雙蛾一曲傷心子夜歌鐘梵聽來歸淨土  
那知人世有修羅

月下聞歌

城頭簫簌文姬拍燈下刀鐮勅勒歌自是愁人聽不得  
卻嫌今夜月明多

王玉銘先生以煎酒見餉作六絕句謝之

索郎風味久相忘塞上新傳白墮方欲向高陽呼舊侶  
醉鄉從此是吾鄉

虛名甘露數陳家近日青州亦漫誇愁裡莫教容易醉  
一枝先醉海棠花

書空無計克愁城底事輸攻用麩生不是尚書憐病骨  
黑甜那得到深更

滇南方物有雞蓼珍重攜來蒟醬同忽發新醅香滿座  
渴喉不復羨郇筒

隗囂宮裡古磁杯閉置三年匣未開歡伯一驅窮鬼去  
糟邱旣築莫重來

酒民姓字隸無懷散髮行歌麋鹿偕長笑劉伶非達者  
形骸土木不須埋

舟中聞蟋蟀

蘆荻花飛似柳綿驚心又是授衣天不知促織從何至  
載得秋聲滿畫船

渡黃河

四首

倒瀉銀河事有無掀天濁浪只須臾人間更有風濤險  
翻說黃河是畏途

挂席蕭蕭正北風郵籤已過呂梁東滴將雙淚歸滄海  
應比鮫人珠更紅

半世行藏敢問天，身如百丈往來牽。  
旁人代我思前事，曾共驪龍夜夜眠。

一下龍門過陝州，滔滔無盡古今愁。  
寄言精衛休填海，須向崑崙塞上流。

董家口

昂畢橫天欲四更，霜中篝火月中行。  
寒波咿軋鳴雙槳，一片蘆花睡鴨聲。

書所見

丹楓欲落水盈盈，渡口迴舟卻並行。  
半面芙蓉新雨後，隔窗猶恨不分明。

漂母祠二首

東鄰蓐食倍傷心，旌節歸來感自深。  
無怪後人多望報，欲將涓滴博黃金。

楚媪祠邊薦白蘋，誰將卮酒酹王孫。  
千金一飯猶思報，肯負高皇吐哺恩。

韓淮陰祠

黃屋西來夢澤游，王孫應是悔封侯。  
未央鐘室埋寒草，石馬無聲渭水流。

題王阮亭小像

洗馬風神本至清，荷衣蕙帶擁書城。  
蒼端賸有雲霞氣，

紙上如聞金石聲

摩詰前身信有徵  
訟庭清映玉壺冰  
行吟東閣官梅下  
一片濤聲在廣陵

御教場

一名女教場在武林鳳凰山

飲飛不藉羽林郎  
宮女千羣韎韞裝  
別有相公兵法在  
長驅蟋蟀半閒堂

題吳仲徵小像

詞客前身定畫師  
何人繪出虎頭癡  
一邱一壑差堪置  
添寫寒松百尺枝

夏五過訪來元成口號

二首

三月湘湖蕓菜肥故人終日掃柴扉經過直待楊梅熟  
應笑并州客未歸

西陵渡口戴逵居閉戶新成抱朴書更注參同契一卷  
乞君丹竈意何如

九日無酒戲賦四絕句從袁輔宸方伯索得四壘  
悉佳釀也

臯亭木落重徘徊欲別青山數舉杯九日蟹螯空在手  
如何不見麴生來

由來佳味說餘杭久客何堪典鷓鴣賴得故人曾許醉  
乞君十斛甕頭香



最愛南屏寺外山  
楓林罨畫菊花斑  
玉壺雙綰青絲騎  
尋向兩峰烟靄間

閒策孤筇歷翠微  
數行征鴈亂斜暉  
吏人還報公應笑  
親見山翁落帽歸

贈術士王中五 二首

供奉瀛臺夜每分  
禁中射覆外庭聞  
金門共說東方朔  
御墨曾題李少君

陽羨書生未足誇  
秘辛方出化人家  
紙驢在笥如相借  
騎向三山踏落花

贈張玉衡畫師 二首

霜毫染罷酒微醺曹霸丹青天下聞老作西陵橋畔客

何人能識故將軍

舊爲  
參戎

箭括車廂未可攀捫蘿親到數峰間憑君畫出仙人掌  
置我雲中採藥還

題潘蔚湘小像

申椒作佩芰荷衣拂拭吳鉤色欲飛士女如雲看衛玠  
洛陽城外小車歸

章子真小像

三絕君家聚德星虎頭風骨眼雙青孤山處士前身是  
抱膝高吟放鶴亭

題閔宮用小像

十載夷門老客星清銜新長醉翁亭青山繞屋梅千本  
白眼狂歌倚翠屏

爲陳其年所歡紫雲題像

二首

擊箱滌硯鎮相隨婉轉君前舞柘枝催促陳思填樂府  
曾將紅豆譜烏絲

蛾眉參意寫難工試比崔徽約略同我代畫師添數筆  
玉簫吹罷倚梧桐

重題紫雲畫卷

二首

朱脣曼睩映吳綃猶恐丹青粉易銷他日休歌河滿子

憶郎佳句念奴嬌

畫圖冉冉帶微顰祇爲蕭郎被放新賦奏長門應有日  
天寒繡被屬何人

題冒青若小像

絕代詩人王阮亭會將雙眼爲君青曲江他日題名處  
風度何如張九齡

爲王西樵題像二首

誅茆深在白雲鄉萬壑千峰入渺茫小弟惠連堪把臂  
不勞春草夢池塘

長白山頭問草廬烟霞爭似輞川居茯苓劇向神仙窟

欲辦青鞵乞爾餘

金公子輓詩

十首

東閣頻開預掃門  
海桐花下對諸曷  
何堪宴罷東籬後  
玉樹摧殘白日昏

烏衣冠蓋盡雍容  
萬石高門爾最恭  
奉引定知能數馬

佳期猶惜未乘龍

君尚未婚

五陵公子擁驂駟  
爭羨謙謙馬少游  
此日輟春聞巷哭  
帝京何處玉爲樓

元愷家聲數季駟  
羊車曾歷洛陽街  
空餘古錦囊中句

不與琅玕骨並埋

君行第入故云

烏几匡牀下夕帷園林花發未曾窺生憎天上無才子  
待爾親題絳闕碑

親捧籃輿侍謝公香鑪峰畔御長風招魂不待巫咸卜

只在丹楓翠靄中

君從太傅游天目山歸而疾作

青鳥書來阿母池自言亭午是歸期千年小別須臾事

無那高堂永夜悲

君易簀之朝言歸在午時已而果然

東山絲管不勝哀夢裡歡顏得暫開虎阜鶯花行樂地  
那堪重起望恩臺

聞道華陽有異人丹邱來往只逡巡若將仙籙從容訪

應到方壺友列真

施量生鍊師有異術能召鬼神

笙鶴緜山去不歸仙人應亦戀親闈他年華表重來日  
莫著雲衣著綵衣

題曾謙菴郡丞小像 二首

袖拂香烟入直廬紫毫斑管玉蟾蜍誰知坐嘯江城客  
曾校青藜閣上書

星軺北上擁旌旄江上丹楓照錦袍比玉爭看衛洗馬  
賜金獨有范功曹

題雙節圖

截髮呼天九死餘秦庭爭羨女包胥那堪更咏雙黃鵠  
夜半機聲出草廬

題姚生小像

謝老今之顧虎頭筆端風雨欲橫秋爲君寫出狂奴態  
只合高眠百尺樓

同白仲調孫彥章孫芑瞻瞿欽我吳仲徵游白雀  
寺諸君強余乘輿余笑卻之漫成絕句寄豁堂和  
尚

蕭散渾如退院僧肩輿俗殺倚孤藤老來筋力偏頑劣  
試問支公能未能

是日聞一足禪師示寂之信

廣陵曾聽演三車歎我迷津未有涯此日西歸人盡見



手提隻履上蓮花

贈王秋山山人 三首

丹青絕代數徐黃別有神工獨擅場盤礴不須勞筆墨  
雕蟲小技大文章

善筆畫蓋創  
意爲之者

匡牀乍倚旋憑榻展轉無聊欠復伸久住勾吳堪一笑  
欲隨風俗變文身

腳辭履襪體成鱗剝啄人稀已十旬爲語膺門休謝客  
客中容有嗜痴人

舟中見獵犬有感而作

青油畫舫見重鈎疑自盧龍塞上來記得雪深牽汝出

破巢生取阜雕廻

秋水蘆花一片明  
難同鷹隼共功名  
檣邊飽飯垂頭睡  
也似英雄髀肉生

戲馬臺前好合圍  
符離城外兔初肥  
蠻奴右臂驚蒼鶴  
獵得黃獐倒載歸

黃耳傳書事不訛  
松江高塚尚差峩  
韓盧烹後功臣死  
莫向淮陰祠下過

吠月何須永夜喧  
閒眠實愧主人恩  
咸陽市裡金張客  
兩度悲號上蔡門

舟中讀書

久拋青簡束行滕白鳥蒼蠅甚可憎身是蠹魚酬夙債  
黃河浪裏讀書燈

黃河曲

濁浪黏天滿綠疇千家野哭怨陽侯支祁獸有開山力  
何不移之西北流

點頭石

生公拄杖化龍孫石上空畱棒喝痕莫怪點頭無一語  
能言端已落旁門

熱甚驅蚊戲成絕句

五首

薄暮呼羣勢殷雷羅幃潛入似銜枚夢餘枕畔伊嚶處

蝸角蠻兵唱凱回

殺之不武麾難去第一人間最可憎何事醉翁偏怒汝  
彈文止解狀青蠅

寶鴨薰籠火正然小童大索掌痕鮮好還天道元如此  
報復從來貴目前

吮血分明似啜糟芙蓉帳底太麤豪前身豈是楚宮女  
每到秋來也細腰

喙無一寸卻如錐星火西流勢漸衰爲報讒人看作例  
須知利口有箝時

陳琳墓

河朔從軍恨未終九原應悔見臧洪阿瞞言語元多詐  
檄草何曾解愈風

讀劍南集

高人最愛孔巢父佳句驚看陸放翁欲畫衣冠無妙手  
松江繡刺比來工

行樂詞十首

阿環頗解愛花紅學語阿端亦漸工更喜阿鴻知鬪草  
袖藏蝴蝶戲衰翁

大男牽挽鎮相從身漸長來代短筇母是蒙師教魯論  
兒呼小第作吳儂

或問阿鴻是齊是吳荅曰我非蠻子阿弟便是

仲子唐符在命宮桑弧聊抵六鈞弓他年汝作千夫長

囊韃來迎百歲翁

次兒日者家言命當習武故戲及之

三男丰骨玉稜稜也與田文一日生食客滿堂翁自喜

莫畱狗盜與雞鳴

阿端五月五日生

三間笠澤魚鱗屋雙槳松江鳴嘴船長大從吾釣秋水

大兒振舵小兒牽

吳趨方語聽難真阿姆教成句句新來歲定歸莊嶽里

衆咻端不耐齊人

霜露年年隔墓門歸騎竹馬薦雞豚夜臺此日悲還喜

松栢成圍始舉孫

汝姊書來喜倍增  
王郎百兩報親迎  
爾曹抱入烏衣巷  
敢認封胡是外甥

相人陳叟舊知名  
許我芝蘭晚更榮  
若使渠言如許負  
籃輿不復倩門生

陳我自善搗竹相  
言子當有五子

薜蘿爲帶蕙爲裙  
華髮差宜下澤車  
投老自依金粟佛  
課兒唯有石倉書

琢月鑲冰信有神  
髯公妙手世無倫  
壯心東入秋毫裏  
羨爾鬚眉似古人

題李鏡月廬山詩齋卷

曾把君詩當臥游綵虹千尺白雲流謫仙自有烟霞筆  
何事丹青顧虎頭

贈徐松之二首

風雅于今已半亡蠅聲紫氣費平章誰操月旦如秋水  
青眼應推許子將

抹月批風事遠遊憑將斑管別陽秋好分支遁三間屋  
畱作先生文選樓

黃魚初至市得二尾遺趙雪嶠口號四絕戲簡

江湖十載老漁竿石首多從畫版看此日錦鱗驚入饌  
免教安邑送豬肝



落花時節採茶天  
退食常聞減俸錢  
寄語饔人畱作臚  
使君好客不須懸

故園風物未應殊  
每到春來醉玉壺  
張翰當年渾不解  
秋風空憶四腮鱸

川虞有禁令如雷  
委棄泥沙信可哀  
畧客今朝新下網  
喜同白雉越裳來

閒步溪邊見隔離  
牡丹盛開問之乃侯氏僕也爲  
賦一絕並柬記原

木槿籬邊放鼠姑  
迎風含露錦模糊  
姚黃開遍無人賞  
春色偏歸霍子都

夜間鶴唳聲候秬園曰張氏蓄此有年一旦求售  
予以貧故失之今爲鄰園有矣因題此句

數聲清唳隔松陰孤客偏傷萬里心莫向西鄰彈別鶴  
仙人元自重黃金

和一筠上人見贈奉訪不遇六絕句

聞逐鶯啼到華門殘花吹落幾枝存焚香童子懶迎客  
自摘仙磬供世尊

相逢何事盤顏垢曾共東林一笑回世味看來同嚼蠟  
詩情爭似未寒灰

繩牀瓶杖復何如一卷離騷兩漢書白鶴自鳴支遁屋

碧雲常繞惠休居

論文擬借佛前鐙竹影參差月似冰莫訝周顒爲俗客  
十年踪跡是孤僧

愛爾清吟廢管絃五言半偈世同傳鶉鳩喚雨不歸去  
欲共龕中彌勒眠

獨攜筇杖代青驄華髮心期對朗公種得芭蕉供染翰  
只愁驚起鉢中龍

送人還江東

陌上相逢鬢未華羨君風骨帶烟霞扁舟歸去山陰道  
一路鶯聲到若耶

爲嚴舜工題其六世祖彰德太守遺墨 二首

鄭公世澤存遺笏  
王氏傳家在寶刀  
何似赫蹏書片紙  
墨痕猶帶五湖濤

鄴下歸來野興長  
百年無恙舊柴桑  
種杉帖似來禽帖  
清白家聲有墨莊

張子石爲其侍史寫蘭亭卷因題一絕

脩禊山陰迹已陳  
康成書帶草方新  
他年莫使蛟龍奪

須信傳經別有人

張無子  
故云

題張子石所藏便面書畫冊 四首

尚書高塚白楊悲  
猶憶西泠載酒時  
此日燈前開篋笥

令人腸斷李邕碑

董文敏

練川耆舊有松圓三絕風流老鄭虔化鶴不從遼海去

至今生氣滿雲烟

程孟陽

曾向錢塘觀畫壁驚濤疊嶂滿招提況兼白也詩無敵

半是當年醉裏題

李長蘅

大隱今看碩果存幾番披對染啼痕但教素卷畱天地

絕勝黃金媚子孫

贈陸君暘

七首

花落樽前喚奈何忽聞燈下唱韓娥月明彈出關山月

御恨秦箏鳳柱多

虎邱三五月華明  
按拍吳兒結隊行  
一曲涼州纔入破  
下人石上夜無聲

朔風吹雪夜漫漫  
變徵高歌易水寒  
醉客滿堂齊下淚  
分明畫出白衣冠

旗亭沽酒月初灣  
畫角吹殘客未還  
愛唱開元才子句  
黃河遠上白雲間

華髮新填絕妙辭  
閨中爭喚郭箏師  
紅顏弟子今零落  
幾度鶯聲喚雪兒

曾陪鐵笛宴寧王  
吹落梅花滿御牀  
輦路淒涼春草碧  
不堪重過鬪雞坊

燕姬無用擘箜篌，賴爾能消萬古愁。無那青衫偏易溼，  
傷心不但白江州。

二陸宅

吳鹽似雪四腮肥，滿匕尊絲翠縷飛。堪笑機雲非俊物，  
秋風不共步兵歸。

朱陳村

婿嫁千家共一區，朱陳風俗似黃虞。癡兒欲聘西家女，  
肯許新來外姓無。

從謝方山中翰索酒四絕句

誰將觴政譜陽秋，從事由來勝督郵。公子新醅能醉客，

平原真足敵青州

零落高陽舊酒徒  
蕭蕭華髮剩狂夫  
那堪重過新豐市  
三百青銅近也無

分得糟牀喜欲顛  
鴟夷猶恨不如船  
舍人但肯傾家釀  
司業何勞損俸錢

十年澤畔極飄零  
青眼高歌不願醒  
燕市逢君堪結社  
可能偕隱二鄉亭

余有亭名二鄉謂  
醉鄉與睡鄉也

爲胡怡齋題吳漁山畫山水二絕

幾曲清溪約略橫  
翠微深處亂霞明  
漁舟一葉穿雲去  
身在山陰道上行



滿壁烟雲宗少文臥游空自擅奇聞昆明萬里青山色  
杖底何人得似君

施愚山索九香蟲子調之曰須賦二絕句爲謝少

頃詩至依韻戲荅

散髮行吟類楚狂中年善飯有微長雕蟲小技君休笑  
絕勝西京脊卹方

策勳微豸有奇功欲學淮南秘枕中但使人如黃犢健  
不妨身作叩頭蟲

九月寓中無菊王敬哉先生見貽二本乃佳種也

口號賦謝

歲歲東籬負菊花一枝分得自陶家  
藥鑪茶臼添幽事  
清福今朝已倍奢  
蕭蕭短髮不勝簪  
濁酒燈前且自斟  
畱得秋光照顏色  
知君獨有歲寒心

秋日集唐

八首

梧桐葉下黃金井  
坐聽微鐘憶往年  
家在夢中何日到  
南方歸去再生天

鴛衾久別難爲夢  
燕子銜泥兩度新  
此夜曲中聞折柳  
侍兒堪感路傍人

新月猶懸雙杵鳴  
孤燈未滅夢難成  
丈夫飄蕩今如此

一夕秋風白髮生

蘆花楓葉雨霏霏  
夢裏還家不當歸  
此夜斷腸人不見  
寒燈落盡月斜暉

誰家搗練風淒淒  
野水陰雲盡向西  
日暮孤舟何處泊

一封書寄數行啼

時余內人舟泊臨清界上

獨在異鄉爲異客  
塞鴻何事又南飛  
天階夜色涼如水  
愁聽寒蟬淚溼衣

長笛一聲人倚樓  
傷心不獨爲悲秋  
此情可待成追憶  
不是征人亦淚流

思家步月清宵立  
吹角當城片月孤  
閨中只是空相憶

寒到君邊衣到無

土炕成

欲破愁牢用火攻  
融泥施鋪罕人工  
琅璫作枕鋪牛薦  
瓦缶爲鑪燕馬通

戴就下獄薰以馬通不死馬通者矢也

不寐

撥盡鑪灰歎此身  
漏聲偏向五更真  
惟餘一片傷心月  
清影依依似故人

除夕和宿來

憂來真是不知年  
憔悴何勞復問天  
夢裏求君寬束縛  
肯容飛到故鄉邊

江南曲 二首

白蘋吹滿莫愁湖，輕雨輕寒乍有無。  
翡翠簾櫳春不捲，數枝楊柳已藏烏。

菡萏池塘隔畫橋，月明樓上美人簫。  
十年不到傷心地，夢逐長江來往潮。

春日田家 二首

白石青沙接草亭，槿籬疎密柳青青。  
閒來散帙憑烏几，自寫龜蒙耒耜經。

野田黃雀自爲羣，山叟相過話舊聞。  
夜半飯牛呼婦起，明朝種樹是春分。

偶感

誰放東園桃李枝  
淺深隨意著  
臙脂春風自是虛施巧  
不爲愁人染髮絲

五言排律

贈梁紳霄太保

昭代推英略  
元臣有壯猷  
熊飛占渭水  
虎臥奠江州  
家世豐岐舊  
功名耿鄧儔  
長鯨來瘴海  
封豕起青邱  
烽火連京口  
帆檣遍石頭  
軍書當警急  
裘帶自優游  
一鼓收銅馬  
三驅出火牛  
褰旗爭半渡  
揮扇坐中流  
星落黃龍艦  
風清白鷺洲  
西京馳露布  
南顧慰宸旒  
書奏驚三捷

仵來錫二直軒懸寧異數帶礪誓同仇洗甲中冷水銘  
勳北固樓白猿初入漢素雉已歸周檠戟青油幕桑麻  
綠野疇鏡歌楊柳曲笳吹菊花秋下瀨戈船寂高齋翰  
墨稠精嚴稱玉律瀟灑動銀鈎貍首軍容壯鵝羣筆陣  
道已傳黃石法未許赤松遊衛霍誰軒輊鄒枚喜唱酬  
執鞭欣御李廣屢幸依劉醇酒思公瑾仙人識鄴侯錦  
堂圍蹴踘銀甲擘筮篋暫策青驪去還瞻紫氣浮佇聞

麟閣詔

天子借前籌

壬寅除夕作

已屆知非日猶餘未死身十年重墮井兩度恰逢寅庚寅

余以逆僕誣構下獄今之禍壬寅歲也故云

繫械今時法寃愆夙世因殺機

巧乃毒妖夢幻叩真

辛丑三月余夢緹騎覺而惡之果驗

撩尾知防蠱焦

頭憶徙薪乾坤容魍魎刀俎賤麒麟有客哀同楚何人

哭向秦木囊隨假寐鐵索換垂紳陸續寃誰雪稽康性

已馴栖糠充亞飯藁秸將重茵雀角無完屋鴿原已化

燐死應爲厲魄痛欲徹高旻邱嫂懸絲活孤兒對簿頻

踝枯還受榜血濺不遑顰履虎寧遺類連雞到比鄰事

同朱並罔獄與洛陽均瘴隱層霄日霜飛六月辰隸入

威慘澹法吏亦酸辛

孤姪及同繫諸人每就訊呼號震天司獄爲之惘默吏卒有淚下者



淑問情斯剖平反臬屢陳嚮晨星噦噦得意犬狺狺蔓  
引胡由底株拘不計旬那容書牘背一任鼓簧脣范李  
悲前代金張乏要津素交多自絕公論鬱難伸齟齬嬰  
徽纒帆檣滯水濱伶仃憐病婦奔走賴周親簪屐無畱  
跡圖書半委塵平生思著作一旦付沉淪胥靡奚堪辱  
黔婁未擬貧灰心成稿木翹首望陽春柳色回青甸鐘  
聲出紫宸纍臣百口淚阿閣九重闔茶蓼皇天鑒勾萌  
人造仁願言祝湯網沒齒作堯民

送王欽承待御按部山左

聞道蘭臺使新參補浴功神羊元柱下威鳳本河東珥

筆星辰際埋輪輦路中抗詞元武仗封事建章宮方執  
中臺法還看大國風安瀾望蜃市問俗過龜蒙鹽鐵嗟  
空軸干戈有伏戎由來思鼓臥不盡用車攻膏雨人驅  
犢清霜吏避驄岱宗雲跌宕海日曛曛攬轡鶯聲送  
行春馬步工好將鴻雁咏旦夕奏丹楓

輓王胥庭夫人

皎皎秦臺女翩翩洛水湄蓬萊金作署姑射雪爲姿不  
假鉛華色能吟柳絮詩洞簫聞鳳吹新月照蛾眉錦字  
當軒織瑤琴入夜悲冰霜摧雁影風雨妒花枝縹緲飛  
瓊珮虛無結桂旗蛛絲殘杼滿燕語畫梁知天外傳三

島雲中泣九疑空聞乘霧去無復夾河期奉倩神偏苦  
安仁病不支篋餘紈扇在珠是漢臯遺落葉哀蟬曲飛  
朝沐犢詞何繇總帳裡髣髴步遲遲

春日曹侍御秋岳齋中社集

春山猶寂歷客思浩縱橫懷古愁難減逢人泣欲平烟  
花開上苑羽獵尚西京草淺中黃勁天高大白明朱鏡  
方度曲赤縣未銷兵故國餘枚叟當時忌賈生長星勞  
數子碩果賴羣卿醉憶桃枝簞歌殘鳳尾檠風塵遷短  
褐歲月偃柴荆折翼憐霜鶴枯鱗想涸鯨無家恒慘澹  
有夢怯逢迎隴笛參差孔豳琴一再鳴長楸沙苑馬細

柳建章鶯歸騎銀箏促危樓畫角清感時滋逆淚望遠  
倍含情藹蕙操爲杖垂虹宛似旌松山彫舊壑雨雪臥  
孤城乳燕隄隄柳歸鴻夜夜聲乾坤雙屐小江海一槎  
輕寄語巖棲者何須身後名

祝白東谷老師

翼野參星會汾陽漢帝游白雲玉屋合碧玉晉祠流風  
俗思堯代衣冠慕介休詰人紛後起夫子抗前修早譽  
驚千里遺文辨九邱霏譚金粟落清影玉山浮秘笈淮  
南枕仙帆落下舟綵毫天馬賦朱芾鳳凰樓文格西京  
尚詩篇大歷優兩都方詡漢二雅實存周哲匠爰操矩

精心到控鉤履因王粲倒邑有鄭莊郵鼎鉉羣推轂絲綸

帝借籌談經親御幄賜爵遍遐陬陸贄年方少燕公事  
可求詎庸開綠野未許問滄洲姑射冰姿遠壺關石髓  
畱彤編懸海嶽絳縣紀春秋下體收葑菲微材笑鸞鳩  
生申欣令旦命說佇嘉猷願切封人誦恩難國士酬東  
風吹浩蕩感激效齊謳

送李長如工部擢關內道

秦地金湯壯王家玉樹清上卿司北斗公子賦西京密  
勿綸扉重風流水部名元圭方錫 帝翠憶昇專征禮

樂夔龍典弓戈召虎銘舉帷朝問俗緩帶夜論兵華嶽  
三峰月樊川二月鶯長鯨須築觀細柳更開營輦路青  
絲控關門紫氣迎連鑣叨奉引把袂愧嚶鳴見雁懷燕  
市歌驪惜渭城蒹葭之子什縞紵古人情三輔霓旌遠  
中台鶴髮明歸朝應有詔經術借元成

贈曹澹餘中丞

雲門連泰岱澗水接蓬瀛地擅三齊勝人稱二陸名時  
令兄升六合人文名並重京洛世比雲間二陸雕龍原宅相繡虎自家聲士雅  
鞭先著徐陵賦早成鑪烟分上苑襪被宿承明文采翔  
鸞集丰神洗馬清書從芸閣校詩向栢梁賡暫借公會

出爭看召伯行  
寒帷桐柏觀  
問俗棘陽城  
旋整趨朝駕  
重來宣室榮  
禁林思樂令  
天子問韓翊  
共羨還池鳳  
俄遷出谷鶯  
焚魚趨北闕  
驅馬復南征  
圭璧虔朱鳥  
山川迓翠旌  
登臨攄偉盼  
憑弔見深情  
屈宋魂堪語  
孫劉恨不平  
蒼茫王粲宅  
蕭瑟呂蒙營  
遺跡悲鸚鵡  
塞芳採杜蘅  
錦帆過鄂渚  
綵筆振韶缺  
中夜魚龍泣  
荒江鷗魅驚  
丹崖題句遍  
白雪壓裝輕  
壇坫無餘子  
池塘有詰兄

謂升六舍人

鹿鳴周小雅  
鸚薦魯諸生  
薇省聯珠勒  
天街散

玉珩交箴歌  
集木拜母補  
吹笙鉅典推  
三禮崇班晉  
貳卿神休歆  
七鬯公望副  
台衡離棘何  
勞設鈞陶必  
至精

賤常收筭庫貴不避高閔宛馬輸天廐薪樵盡國楨九  
流歸藻鏡雙闕蠹金莖 帝曰需舟楫君其劑鼎鑄問  
年齊鄧禹開閣陋孫宏濩落身將老艱危命猷櫻梁鴻  
曾逝越椒舉未還荆幸免豺狼吻遑同雞鶩爭羈棲真  
蹙蹙奔走倍熒熒忽愜登堂願應慚倒屣迎飲醇叨泛  
愛推轂念孤俦翹首青雲上鹽車試一鳴

七言排律

曹秋岳齋中社集

羈心常怯雁歸前日日新豐醉十千嘉客還吟叢桂樹  
芳樽況值落梅天朱闌淺繫青驄轡翠幙高張錦瑟絃



新草乍迷韋曲路遊絲未改御溝烟歌鐘久謝平陽館  
鼙鼓遙悲天寶年詎有江湖容皂帽難將妻子入藍田  
陸機赴洛心元壯王粲懷秦事可憐千里厭聞猿獍嘯  
三春怯對鷺鷥眠園陵寂寞西京後詞賦崢嶸北斗邊  
佩去空滋九畹蕙時移猶貴五銖錢青袍白馬看如練  
穠李夭桃爭欲然燕市祇今徵駿骨豫章何日刷龍泉  
飛揚戲插鏃鏃箭搖落身如舢艫船柳葉好隨羌笛發  
月華似待早鶯圓揮鞭醉指銅駝陌秉燭同窺石室編  
愧我蒯緱安足定姓名聊借郢中傳